

1 Tesalonaika

¹ I dere aseṭa, ẹ Pol-né dapó. Sailas-ró, Timotitamokélélẹ̀ dẹ fea betamó bituraalu, diẹ Tesalonaika be huluumó betó mole Keriso so whípaae i dapa wosae. Diẹ Keriso fake Aya Kótóró Tale Yesu Kerisotamoné ala tuamó betepa, Kótóné ama hamokoróló tao sere ala wisinaaleró hosaa muni deyóló mo dua betere alatamo diẹ tuamó mulópóló yae.

Tesalonaika so whi Talepaae tuẹ tiki tiró betepa, Pol-né mo kée yale fo

² Diẹ fea dẹné kutiri tuamó muó taru, mo kée yóló Talepaae moma dere ala haḷe yó tarapó.

³ Atéró, Aya Kótóné keletómó moma yó tare alata, diaaọ kisipa tiki tiró betere alané kaarale kutórapekélé, koḷené sukóló yaala sókó fole alané kaarale depe tukó wei alakélé, take nalo waaire sukamó, Tale Yesu Keriso tuamó wisi ala mupa kelaalopóló kisipa mutu, hókélé ini, haḷe eró tare alamókélé, mo kée yóló Talepaae moma du beterapó.

⁴⁻⁵ Kótóné yaala sókó fu betere norape-ó, Talené diẹ fopeyóló sókó suyóló beteró beteretei, dẹné tuẹrapó. Ti noatepae, mió wosetere kisi fo wisi dẹné diẹpaae Kótóné fotokọtamo yó matepa diẹné woseturaalu, haḷe tó tikiné maaté wosetere ala inipó. Mo bete mole fopóló Dẹi Kepe Wisi diẹ tuamó faayóló sẹreteiné diaaọ hosaa betemó salepó. Diẹ wisiyóló beterópóló kisipa mutu, dẹ diẹtamó betaletei diẹné ai kisipare ape.

⁶ Atéturaalu, dāpaaekélé, Talepaaekélé, dua yale dowi sekei ala kaae, diāpaaekélé erótua yalepó. Atétepatei, me ọla meipóló hepée taae faróló, Dẹi Kepe Wisiné matere haitere ala mulu, kale fo wisi mo wisiyóló wosetu betalepó.

⁷ Atére ala Masedonia hae kwiaró Akaia hae kwiatamomó Yesupaae kisipa tiróló beterapó dere fo wosetu, atimakélé, atéro betaai dapóló kisipa mualepó.

⁸ Talené ama fo wisi, diā betere tikimó kaayóló, Masedonia hae kwiaró Akaia hae kwiatamopaaekélé yó melaté fóló fakeralepó. Atéturaalu, diā Tale Kótópaae kisipa tiki tiró beterapó dere fo hae kwia feamó betó mole so whịné wosalepó. Atéyaletiné dāné me kae enénipó.

⁹ Ti noatepae, ai be huluamó betó mole so whị diaaọ dā wisiyóló dape sale ala atimanétei mepaae so whịpaae yalepó. Diā kapala kótóné ala erótu betaleteti taaróló, ti betere Kótóné ala eraai walepó.

¹⁰ Atéru, ama kepaaróló hepen-mó betero betere Naale wópóló kaae tawóló beterapó dere fokélé so whị feané wosalepó. Ti ai seké Aṭa, Kótóné fopaae buturaalu kwia melaaire ala dāpaae eraosóró, tao su betere whị Yesupó.

2

Pol Tesalonaika be huluamó fo yó maté kwẹale fo

¹ Norape-ó, take dā diātamo sawa hāleke sukamó bitu, eraai wale ala hāsókó feni, mo eraleteti diaaọ ai kisipare ape.

² Take diaaḡ bepaae waai, Filipai be huluamó betepa erale sekei alaró, halerale alatamo diḡné kisiparapó. Téplatei, ḡané Aya Kótóné ḡa tao su betepa, halaainé diḡpaae ama fo wisi yó mótu betalepó. Ai ala du beteremó, mepaae whḡrapené ḡa ḡaai ketekeḡ butepatei, wiyóló taaréni, haḡe yó matere ala betḡ du betalepó.

³ Ti noatepae, ḡané diḡpaae du betere bete mole fota, hoḡo ala tuamó kaayóló ini, mopóló diaaḡ sya faasepóló ḡapó. I foné diḡ dilikóló me ḡla saai ó diḡ doraaire kisipa muluraalu dumi, motóró i dere ape.

⁴ Tényi, Kótóné ama fo wisi yó melópóló, ḡa ama fopeyóló sóró beteró betepa, ama fo wisi ḡané diḡpaae i yó mótu betere ape. ḡané i du betere ala, mo whḡrapené kilitu, wisi ala ḡapóló ḡa dukirópóló dumitei, ḡané hosaa tuamó mole ala kḡaae keletere Kótóné kolóló, wisirapó yópóló du beterapó.

⁵ ḡané diḡpaae Kótóné fo yó móturaalu, diḡné me ḡla ḡla saai ḡapóló fonétei diḡ haḡe mulóló, dilikiniyale ala diaaḡkélé kisipa yóo, Kótónékélé kisipa yóo erapó. Ti noatepae, ḡané du betere ala feata, Kótóné ama kele tómótóró du beterapó.

⁶ Ti ḡané i du betere alata, diaaḡ ó mepaae whḡrapenékélé wosóló ḡa dukirópóló dumipó. Ti ḡata, Kerisoné ama sóró beteró betere yó matere whḡrape bituraalu, ḡa fiyaaire be ó naaitere ḡla diḡpaae tao sae yaalopóló yaleteti, diḡ sekeḡ yaḡsóró kisipa mutu taaralepó.

⁷ Téturaalu, betḡ soné ama naale senaale awḡa nópóló dua bitu dere kaae, ḡa diḡtamo naameiné dua beterepó.

⁸ Dạné diạ yaala sókó fole ala mo turó mulu, Kótóné kisi fo wisi yó matere ala maaté ini, diạ tao saai wisi kisipatamo dạné betere betekélé malepó. Ti noatepae, diạ dạné hosaa mo turó mole ne no alée feleteinépó.

⁹ Norape-ó, dạ diạtamo bituraalu yale alarape fea kisipa muae. Kótóné fo wisi yó mótu bitu, mepaae dạné naaire ọla ó be diạpaae maaté seke eraalomeipóló kisipa mutu, dẹtamokélé, dikitamokélé, dạnétei doasi depe tukó wei ala du betaleti diaaọ ai kisipare ape.

¹⁰ Tétu, diạ kisipa tiki tiró betere so whị tuámó dạ betale ala diạnékélé Kótónékélé, kolóló ai kisipare ape. Kótóné ama sóró kae beteró betere whịrapené dere ala yóo, mo donoi ala maaté dere whịrape betóo, me dowi alakélé munire whị betóo, erepó.

¹¹ Ti noatepae, whị betạné ama naale senaale kaae tatu dere kaae, dạné diạ dokọ fea atéro kaae taté fu betalepó.

¹² Até yaletei diạ Kótóné ama tẹtéróló kaae tare alaró ama kae ere ala wisitamo tuámó betaai ape yalepó. Atéru, ai sekéné mo ama so whị sụ beterópóló kisipa mutu, dạné diạ fotokóróló ketekẹ bulatere fo yóo, sekei alané só deraọsóró hajratere fo yóo, duraalu, sẹtere ala du betalepó.

¹³ Téturaalu, miókélé Kótópaae mo kée yó tare alata, noa betené meipó. Dạné diạpaae yó matepa, wosetu betale fota, mo whịné fo yó matapóló kisipa muni, Kótóné ama fotóró yó matapóló hosaamó salepó. Ai fota, diạ tuẹ tiki tiró betere so whị tuámó muluraalu, ai fonétei Kótóné ama kisipa mole erótu beterapó.

14 Norape-ó, Judia haemó Yesu Keriso tuámó betere Kótóné fake so whĩpaae erale sekẽi alamó kisipa muae. Ti atimapaee ai erale susupui alata, atima Juda fakenétei eralepó. Atétu yale kaae, diaaḡ be whĩnétei, diḡpaaekélé ai alatóro eralepó.

15 Ti ai Juda whĩrapenéta, Tale Yesu Keriso dóo, Kótóné ama kóló whĩrapekélé dóló kemeróo, ḡkélé i fo wisi atimapaee yó melaḡsóró ḡkó falóo yalepó. Juda fake mei, kae fake so whĩ mo ti aluyaḡsóró Kótóné tao sópóló ḡané atimapaee kale fo wisi yó mótu betepatei, atimané sesétu betalepó. Atétere alané so whĩ featamo bóe dóo, Kótókélé fopaae bulóo, yalepó.

16 Atéturaalu, atimané ai du betere dowi ala mo ti muté hutu betepa, Kótóné fopaae buóló kwia melaaí doasi ketekẽ butu betale ala kemerḡle wouraalu mo ai melale ape.

Pol ḡ Tesalonaika so whĩ kẹle fenée du betaletei

17 Térapa norape-ó, ḡḡa diḡtamo betámó betaai yalemó, bóe dóló foya yaleteiné ḡ kae betóo, diḡ kae betóo, ai ere ape. Téretei, ḡané diḡ kisipa keteró bitini, ḡale kisipa yó tarapó. Téruraalu, ḡané diḡ kelenée yóló kisipa mutu, diḡ beterepaae waaire tḡ kikitu betale sḡpó.

18 Ti noatepae, ḡḡ diḡ beterepaae waii dapóló ę Pol-né tḡ dekéro kikitu betaletei, Satan-né ḡḡ waaire tḡ seséyalepó.

19-20 Ti noatepae, take waaire alimó wisi ala kelaai dapóló ḡainé sukutere beteta, me ḡla kae mei, diḡtórótípó. Tale Yesu ḡ waaire sukamó ḡḡ fea ḡtamo betámó betó muluraalu, noa ala epa kilitu ḡḡ ḡainé sukóló bopé fake yaaloé? Ti atéro ḡainé

sukóló bopé fake yaaitere alata, diátóró kilitu, doasi doi sóró hajné sukçalopó. Atéró, mepaae ọla wisi saairaalu whị fea sururu yóló foletei, betá folosóró sókó fole whịné topo tao sóró hẹkesené sinitu bopé faketu dere kaae, ẹanékélé diẹ kilitu atei kaae ala yóló, mo kée yaalo ai ape.

3

¹ Téro ẹ Atenis be huluamó betó mulu, diẹ netéró beterérópóló, ẹ whaaliatu betalepó. Tétu, ẹsisi taleyóló ẹamo i Atenis bemó bituraalu, Timoti diẹ beterepaae ai doteyale ape.

² Ẹané no Timoti ẹta, Yesu Kerisoné mió i wosetere kisi fo wisi so whịpaae eróló fakeraté fópóló, ẹtamó betámó bituraalu, Kótóné kutó diratere whịpó. Ti ai sekẹ diẹ beterepaae dotonatereteita, hale meipó. Diią kisipa tiki tiróló beteretei, mió ai wou betere sekẹi alarapené haepaae só deraqsóró ẹ diẹtamó bitu, diẹ fotokọ bulatere ala yópóló ai dotonale ape.

³ Mió ẹ feapaae i erótu betere sekẹi alarape, mené ẹapaae eratepa, beleyópóló Talenétei tukóló muló beteretei diaaọ mo kisiparapó.

⁴ Ti i dere fota kapala mei, ẹ take diẹtamó bituraalu, doasi sekẹi ala mo waalopóló diẹpaae inié? Ai yale fo motóró dokonóturaalu yale alata, diaaọ mo wisiyóló tuẹrapó.

⁵ Atétere betemó, diẹné kisipa tiki tiró betere ala netéréro, ai sekéné kele wópóló ai dotonale ape. Ti noatepae, kọpaae fópóló dée nalatere sekéné diẹ dée nanóló, ẹané diẹpaae erale alarape hale besekéróló doralemóló whaaliatapa kele wópóló kale sekẹ ai dotonale ape.

Timotiné ene wale fo wosetu, Talepaae mo yaletei

⁶ Téyaletei, Timoti momó ða beterepaae fesaae wóló i betere ape. Atéro ama ða betere alaró, ðiané tué tiki tiróló yaala sókó fole alatamo du beteropó ene wale fo wosetu, ðané mo kée du beteropó. Ai seké ą mo miótóró ða beterepaae sókó wóló i fo yalepó. Betere dokọ fea ðiané ða tué yó taru, wisi kisipa muóló betóo, ðané ða keke wolée du betere kaae, diaaokélé ða keke fenée du beteropóló ðapaae ene wóo, yalepó.

⁷ Norape-ó, ða atétu beteropó dere fo wosaleteiné ða imó bituraalu, kae kae susupui alaró, seké alatamo wou betepatei, diaaọ kisipa tiki tiró beteropó, dere fo woseturaalu, ðané hosaa muni deyóló, mo kée fo du beteropó.

⁸ Ti noatepae, ða Talené ala tuámó mo diriyóló bitiré waletei, miókélé hałe betótóró tarapó, dere fo woseturaalu, mo kée yóló ðakélé haíné sukutu beteropó.

⁹ ða Kótóné keletómó bituraalu, ðiané du betere ala kolóló haíné sukutere ala mo turó ɣanapó. Atére alamó, Kótópaae mo kée dere fo yaairetei sunipó. Ti noatepae, haíné sukutere ala ða tuámó mo suro beteropó.

¹⁰ Diaaọ tué tiki tiró betere tuámó, mepaae yaɣare alarape ða tao sóró yó male waai, dikitamokélé ðetamokélé ðané mo dirii moma yó tarapó.

¹¹ Térapa, mió ða ða beterepaae waaire tuɣa, ðané Aya Kótóró Tale Yesutamóné alerópóló yae.

¹² ðané ðapaae yaala sókó fu dere kaae, diaaọ

yaala sókó fole alakélé, mo ti faayóló wẹi feleyóló futere kaae yópóló, diasisitei u yó mótu i yó mótu du betae. Téturaalu, mepaae so whĩpaae yaala sókó fole alakélé Talené amatóró erópóló yae.

¹³ Tale Yesuró ama kae beteró betere whĩrapetamo wale sukamó, ðané Aya Kótóné keletómó me ala munipa kilitu, mo ama kae betere so whĩpóló, Kótóné amatei diaaḡ hosaa dirirópóló yae.

4

Kótóné ða betere ala kilitu, ḡ hekeseyópóló etéro betae yóló dere ma fo

¹ Norape-ó, ðané ðiḡpaae kemeróturaalu dere fo i ape. Kótóné keletómó wisirapó yópóló, etéro betae yóló take ðané ðiḡpaae yó mótu betalepó. Ai yale fo mo dapóló diaaḡ wosóló eraté ai wou betere ape. Ḍa fea Tale Yesu tuḡmó bitu, ai du betere alatóró fakerae yóló, mió ðané ðiḡ ketekẹ bulatere fo i dere ape.

² Ti noa betené meipó. Tale Yesuné fea ala amatóró sũmó tẹteróló kaae taru, ðapaae erae depa, ðanémo ðiḡpaae i ala yae yóló, yó mótu betale forape diaaḡ ai tuẹre ape.

³ Atéreteiné, ðiḡ fea dowi ala mo betakélé muni, mo kae so whĩ beterópóló Kótóné ama kisipa mutu beterapó. Térené, whĩné so ọlémi nokole alakélé, soné whĩ ọlémi nokole alakélé, ðiḡpaae yaḡse yóló dapó.

⁴ Térapa, ðiḡné kisipa tiki séle séle wisiyóló tẹteróló kaae tare ala mo so whĩnékélé, Kótónékélé

kilituraalu, mo kae betero betere so whi betera-
apolo dukiropololo diane to tiki diaaotei wisiyolo
kaae tawae.

⁵ Koto tueni, mo hale betere so whine, au nolo
qlemi naairaalu ekele dere ala kae yaose.

⁶ Ti atero qlemi nuku betere alata, me whine
kelaalomeipolo kinolo naao no qlemi no matere
ala mo yaose. Atei dowi ala deremo, Talene doasi
kwia melaalopo. Teyasoro, atei kae ala momoko
yaose yolo, take dane dia kiswa mulolo ma fo ai
yale ape.

⁷ Ti noatepae, wisi alaro dowi alatamo
hosekyolo beteropolo Kotoné da a beterepae
ape fo ini, mo ama kae so whi beteropolo ape
yalepo.

⁸ Tera, whi me denetamo i du betere ma fo
woseni nisiyolo hrotu betepa, ti mo whine dere fo
hrotumitei, dia Dei Kepe Wisi motu betere Kotoné
fotei hrotu betepo.

⁹ Tero, diaa mo notamo dere kae hekesene
sinolo yaala soko fu betere ala yopololo, Kotonétei yo
male ala diane kisiparapo. Atene dane diapae
me noa fo kae ase yaalomeipo.

¹⁰ Ti aita, mo dapó. Masedonia hae kwiamó
betó mole Keriso norapepae diaa yaala soko fu
betepo. Tepatei, ai ala mo ti fakerae yolo dane
dia keteké bulatere fo i dere ape.

¹¹⁻¹² Diaa betere dokó du betere ala fea mo hale
betere whirapene kilituraalu, atimane i du betere
alata, mo wisirapo fo yopololo yae. Diaa yayatu
betere ola me whine melopolopo yolo dekyolo
hale bitini, dia mo dua bitu kae depe tukó wei ala
du betae. Dane diapae yae yolo, yo male alatoroti

sya fóló mené yaaire alamó kisipa muni, diaaọ yaaire ala betą kisipa muóló du betae.

Tale wouraalu yaaire alamó ere fo

¹³ Norape-ó, sukąle so whị atima neté yaalorópó yóló, kóló kóló du betaqsóró, diąpaae i dapa wosae. Take waaire alimó mo wisi ala kelaalopó yóló kisipa muóló, hajné sukutu betae. Mo so whị ai ala kisipa muniru, doa dekené sini molótu dere kaae, diaaọkélé yaqsóró kisipa mutu dapó. Ti atimané wole dere alata, ama kaepó.

¹⁴ Yesu mo ti sukąletei, momó kepaayóló beter-apó dere fo dané woseturaalu, tuę tiki tiró beter-apó. Atéreteiné, mepaae Yesuné ala tuámó betepa, sukutere so whịkélé, Yesutamo betámó Kótóné dapesó waalopó ere fomó dą kisipa tiki tiró beter-apó.

¹⁵ Talené dąpaae i ala eraalopóló ere fo danémo diąpaae i dapa wosae. Tale waaire be de teópatei, sinale so whị taaróló, dą sukuni hąle betó mole so whịrapepi folosóró faalomeipó.

¹⁶ Ti noatepae, Tale ątóróti ó hepen be taaróló dorowouraalu, i ala yae yóló fo fakeyóló yóo, doasi topo *ensel*-né fo yóo, Kótóné ukulumó wuti haletere ala yóo, yaalopó. Ai ala deremó, Keriso beteró sinale so whịpi turukó holaalo ai ape.

¹⁷ Atéyale sisópaae ti dą sukuni hąle betó mole so whị tokó sóró, sąko tuámó atima sinale so whítamo hokolaayóló, fea touyóló huturaalu, hąle tó tuámómo Taletamo hokolaa yaalopó. Atéro holóló, suka fea dą Taletamo betámó mo titóró betó tawaalopó.

¹⁸ Atéyaalopa, i dere foné, diạ fotokọ butere ala yópóló diạsisitei u yó mótu i yó mótu du betae.

5

¹⁻² Térapa, norape-ó, waaire ali ó be dẹrape diạné kisipa inipapakó, dạné diạpaae aseyaalomeipó. Ti noatepae, Tale waaire be dẹta, dikitamo ọlémi nokole whị woutere kaae yóló waairetei, diaaọ mo diriyóló ai tuẹre ape.

³ Mo so whịné duraalu, “Dạpaae me ala eraalomei, mo dua betepapó,” fo du betepatei, betạ soné naale saai, sisó nukutere kaae, atimapaekélé eraalopó. Téturaalu, be ọla ọla doratere ala mo hapale tétítóró sókó wóló, kilita eraalo ai ape. Atéyaaire alata, mo hẹsókó faalomeipó.

⁴ Téyaalotei, norape-ó, diạ diliki dolomó mokọleyaayóló betepapakó, ọlémi nokole whị sókó walemó me whị kilita sókó fu dere kaae, diạ atéró kilita sókó faalomeipó.

⁵ Diạ feata, dẹró sukatamo tuámó betó mole so whị ai betere ape. Dẹta, dikitamo ó diliki dolomó betere so whị meipó.

⁶ Térapa, dạ mepaae noke fire whị kaae fió muni, kele diriyóló betere so whịtóró bitu, dạnétei dạ betere bete mo hotowaró kaae tanérapó.

⁷ Ti noatepae, atima dikitamo noke fitere so whịta, ti fitua yóo, topo dotere wẹi nokole so whịkélé dilikitamo nóló topo doyóló họko bitua yóo, dapó.

⁸ Dẹta, dẹtamo betere so whịpa, dạ betere bete dạnétei hotowayóló kaae tawóló bitiépe. Téturaalu, bóe daai kuti wase su dere kaae, kisipa tiki tiró betere alaró yaala sókó fole alatamo atéró sóró

betaalopó. Talené dą aluyaqsóró tao saaire alamó tuę muturaalu hajné sukutere alata, bóe daai der- atere dirii topo tao kaae deróló betenérapó.

⁹ Ti noatepae, dą so whıta, Kótó ą fopaae bu- turaalu, kwia melóló susupu eraai dapóló, sóró beterénitei, Tale Yesu Keriso tuąmó betepa, tao sóró wisiraaı kisipa mutu sóró beteralépó.

¹⁰ Dą tao saai ą sukąleteita, dą mo betere so whı ó sukąle so whıkélé fea ątamo betąmó beterópóló kisipa mutu, yalépó.

¹¹ Térapa, mió diąné ai du betere alatóró hajle yó taruraalu, dią Talené ala tuąmó mo dirii Keriso so whı betaasepóló, diąsisi u tao su i tao su yóló, ketekę bulatere alakélé mo ti deté fu betae.

Mo kemeróturaalu i alarape yae yóló dere ma fo

¹² Norape-ó, Talené ala tuąmó bitu, dią tẹteróló kaae taruraalu, depe tukó wei kutó ditu betere whırapené dere ma fo wosóló, atima aqmó sukóló betae yóló i dere ape.

¹³ Térapa, atima ai kutó ditu betereiteimó, dią yaala sókó furaalu, atimané doi sóró horótu betae. Atéru, diaaq no netamo hosaa muni deyóló dua betó muae.

¹⁴ Norape-ó, mepaae kutó dini, dekaýóló hajle betere so whıpaae dirii ma fo yóo, hąsókó fole ala yaqsóró witu, fo tekeni kekóló fi betere so whı tao sóró ketekę bulóo, fotokọ buni, bére so whı tao sóo, yae. Tétu, mepaae so whı hąsókó fole ala depa, hapale foné só deréni, dua kaae taté fóo, mepaae dere ala so whı feapaae eróo dua yae.

¹⁵ Téturaalu, mepaae so whıné yąpaae me dowi ala eratepa, naaomo ąpaae tokó matere ala

momókó yaq̄se. Téní, suka fea dīsisitei wisi ala yó taru, u tao su i tao su dere ala, mepaae hāle betó mole so wh̄ipaaekélé eraté fu betae.

16-18 Kae kae noa kaae ala dī tūpaae eratepakélé taaréni, hāiné sukutere alakélé, momatere alakélé, Talepaae mo kée dere fokélé hāle yó tawae. Ti noatepae, Kótóné ama kisipané dī fea Yesu Keriso tūamó bitu, ai alarape yópóló kisipa mulapó.

19-20 Kale Dēi Kepe Wisiné dó tare si surukó faréni yóo, Kótóné kóló wh̄irapené so wh̄ipaae yó matere fo bete munire ɔ̄la aqróló faleyoó du betaq̄se.

21 Ai dere fo fea wisirémóló k̄aae kolóló, taleyóló mo bete mole fo maaté wosóló eró tawae.

22 Ai du betere kae kae dowi alané dī só de-raqsórópa, hotowayóló kaae taruraalu, woleyóló betae.

23 Tétu, hosaa muni deyóló dua betere ala eratere Tale Kótóné amatei, diaaɔ̄ betere ala mo turó wisiróló, mo kae betere so wh̄i beterópóló yae. Ti atétere alata, diaaɔ̄ kepekélé, asoró mo tikitamokélé, mo turó me dowi alatamo hosekényi, mo donoi so wh̄i bitiré fóló, dā t̄eteróló kaae tare wh̄i Yesu Keriso wale alimó sókó fópóló yae.

24 Dīpaae ape du betere sekényi ama dīamó eraalopó du betere ala hāsókó feni, mo eraalo ai ape.

25-26 No nerape-ó, Talené dā tao sópóló, momatere ala du betae. Aimó betó mole no nerapepaae k̄oleó duraalu, dowi ala mo betakélé munire so wh̄iné apuóló kóló tukó nokole ala du betae.

²⁷ I asęta, ai be huluamó betó mole Keriso no nerape feané wosópóló, dosąayae yóló Talené keletómó, yálo diąpaae i dere ape.

²⁸ Dą tęteróló kaae tare whı Yesu Kerisoné hamokoróló hąle tao sere ala wisi dią tuąmó mulópóló yae.

**Yesu Kerisoné So Whi Tao Sere Kisi Fo Wisi
The New Testament in the Falopa Language of Papua
New Guinea**

copyright © 2005 Wycliffe Bible Translators, Inc.

Language: (Folopa)

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

 You include the above copyright and source information.

 You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2009-10-31

PDF generated using Haiola and XeLaTeX on 18 Apr 2025 from source files dated 31 Aug 2023

0102a9df-173c-5a64-b766-14ab67a86105